


晉書別本

志十八之廿
傳一之三


五



類	函	架	冊
八二六	六七	一三	二二
漢	書	門	

類	冊	架
八二六	二二	一三
函	架	冊
二二	一三	二二
庫	文	閣
內	文	閣

番號	漢	8826
冊數	22	(6)
函號	280	31



卷之十八

卷之二十八

竟陵鍾——汪原評


萬曆之世
海昌周 張有

五行中

傳曰言之不從是謂不文然管仲既謂桓公
厥極憂時則有詩賦時則有奔賦之律
有大魁時則有口舌之病時則有食言

惟本抄金

尚淵淵躬位然周曰先王諱備其訓具也



第十八

書二十八 三徑藏

竟陵鍾——怪原評

桐亭蔣之

海昌周 珽 考

五行中

傳曰言之不從是謂不又厥咎濇厥罰恒陽
厥極憂時則有詩妖時則有介蠱之孽
有犬羆時則有口舌之痾時則有白管
惟木沴金

蜀劉禪嗣位譙周曰先王諱備其訓具也後

識劉云此解遂如

書卷二十八 志

主諱禪其訓授也。若言劉已具矣。當授與人。甚於晉穆侯漢靈帝命子之祥也。其後蜀果

魏明帝太和中姜維歸蜀失其母魏人

母手書呼維令反并送當歸以譬之維報

曰良田百頃不計一畝但見遠志無有當

蔣云二語遂為後世藥谷詩之祖古人贈別以芍藥寄遠以當歸皆有取乎義爾

卒不免

涇西公時庾晞四五年中豈為挽歌自搖大

蔣云陶靖節為挽歌非創始

也

鈴為唱使左右齊和又讌會輒令倡妓作新

安人歌舞離別之辭其聲悲切時人怪之後

亦果敗太元中小兒以兩鐵相打於土中名

曰鬪族後王國寶王恭一姓之中自相攻擊

也

桓玄初改年為大亨遐邇謹言曰二月了故

義謀以仲春發也玄篡立又改年為建始以

與趙王倫同又易為永始永始復是王莽受

封之年此皆言不從之妖僭也

武帝太康五年六月旱此年正月天陰解而復合劉毅上疏曰必有阿黨之臣。姦以事君者當誅而不赦也。帝不荅。是時荀勗馮統僭作威福。亂朝尤甚。

懷帝永嘉三年五月大旱襄平縣梁水淡池竭。河洛江漢皆可涉。是年三月司馬越歸京都。遣兵入京。收中書令繆播等九人殺之。皆僭踰之罰也。

愍帝建武元年六月揚州旱去年十二月淳

于伯寃死其年即旱而太興元年六月又旱于寶曰殺淳于伯之後旱三年是也。刑罰妄加。群陰不附。則陽氣勝。故旱。

魏齊王嘉平中有謠曰白馬素羈西南馳其誰乘者朱虎騎朱虎者楚王小字也。王凌令狐愚聞此謠謀立彪事發。凌等伏誅。彪賜死。吳孫亮初童謠曰吁汝恪何若若。蘆葦單衣菝鉤絡於何相求常子閣。常子閣者反語石子堀也。鉤絡鉤帶也。及諸葛恪死果以葦席

晉書 三
累身。篋束之。投石子堦云。

孫休永安三年。將守質子。群聚嬉戲。有異小兒。忽來言曰。三公鋤。司馬如。又曰。我熒惑星也。言畢。上昇。仰視。若曳一匹練。有頃。沒。干寶曰。後四年。而蜀亡。六年。而魏廢。二十一年。而吳平。於是九服歸晉。魏與吳蜀並戰國三公。鋤。司馬如之謂也。

孫皓天紀中童謠曰。阿童復。阿童銜刀游渡江。不畏岸上虎。但畏水中龍。阿童。王濬小字。

也。武帝聞之。加濬龍驤將軍。及征吳。江西衆軍無過者。而王濬先定秣陵。武帝太康三年。平吳後。江南童謠曰。局縮肉。數橫目。中國當敗。吳當復。又曰。宮門柱。且當朽。吳當復。在三十年後。又曰。鷄鳴不拊翼。吳復不用力。于時吳人皆謂在孫氏子孫。故竊發爲亂者相繼。按橫目者四字。自吳亡。至元帝興。幾四十年。元帝興於江東。皆如童謠之言焉。元帝懦弱而少斷。局縮肉者。有所斥也。

將云南風謠又
載賈后傳馬子
謠又載愍懷太
子傳皆與此志
不同然較其文
詞則此志勝

惠帝元康中京洛童謠曰南風起吹白沙遙
望魯國何嗟峨千歲髑髏生齒牙又曰城東
馬子莫嚙啣比至來年纏汝髮南風賈后字
也白晉行也沙門太子小名也魯賈謚國也
言賈后將與謚為亂以危太子而趙王因釁
咀嚼豪賢以成篡奪不得其死之應也
大安中童謠曰五馬游渡江游一作浮一馬化為
龍後中原大亂宗藩多絕琅邪汝南西陽南
頓彭城同至江東而元帝嗣統矣

建興中江南謠歌曰旬音轟如白坑破合集持
作音武鯀揚州破換敗吳興覆瓿音部按白
者晉行坑噐有口屬鯀瓦瓮質剛亦金類也
言二都傾覆王室大壞元帝鳩集遺餘以主
社稷未能克復中原但偏王江南而已及王
敦作逆六軍大潰兵人抄掠爰及二宮其後
三年錢鳳復攻京邑焚燒城郭并堙木刊鳳
等敗退沈亮將其黨還吳興官軍踵之踏籍
郡縣充父子授首黨與誅者以百數所謂揚

州破換敗。吳興覆瓿。瓿。瓦器。又小於甒也。
 明帝太寧初童謠曰。側側力力。放馬山側。大馬死。小馬餓。高山崩。石自破。及明帝崩。成帝幼。為蘇峻所逼。遷于石頭。御膳不足。此大馬死。小馬餓也。高山峻也。峻尋死。石頭為諸公所破。復是崩山石破之應也。
 海西公太和中百姓歌曰。青青御路楊。白馬紫遊韁。汝非皇太子。那得甘露漿。識者曰。白

蔣云據臧榮緒晉書言海西有子不有時人憐之作歌是以帝

紀亦云此汝非皇太子二句語氣反覆明為海西辨誣是已注說悖謬不足信先是有馬駒龍子之謠皆為桓溫偽造不言可知

者金行。馬者國族。紫為奪正之色。明以紫間朱也。海西公尋廢。其三子。竝非海西公之子。縊以馬韁。死之明日。南方獻甘露焉。
 孝武帝太元末。京口謠黃雌雞。莫作雄父啼。一旦去毛衣。衣被拉颯栖。
物如可覩故佳 尋而王恭起兵。誅王國寶。旋為劉牢之所敗。故言拉颯栖也。
 安帝隆安中。百姓忽作懊懣之歌。其曲曰。草生可攬結。女兒可攬擷。尋而桓玄篡位。義旗

蔣云五字不特能為樂府語且其狀

以三月二日埽定京都誅之。玄之宮女及逆黨之家子女妓妾悉為軍賞。東及甌越北流淮泗皆人有所獲。故言時則草可結事則女可擷也。

安帝義熙初童謠曰官家養蘆化成荻蘆生

不止自成積其時蘆龍

蘆循小字元龍

舉兵據廣州

人又為之謠曰蘆生漫漫竟天半後擁上流數州之地內逼京輦應天半之言

武帝太康六年南陽獻兩足虎此毛蟲之孽

毛蟲之孽

也識者為其文曰虎形有虧金虎失儀聖主應天斯異何為言兆亂也京房易傳曰足少者下不勝任也干寶以為虎者陰精居于陽金虎也南陽火名也金精入火而失其形王室亂之妖也六水數言水數既極火慝得作而金受其敗也至元康九年始殺太子距此十四年二七十四火始終相乘之數也自帝受命至愍懷之廢凡三十五年焉

愍帝建興元年狗與猪交按漢書景帝時有

大龜

此、以爲悖亂之氣、逆言失聽、異類相交、必生害也、俄而帝沒于胡、

安帝隆安中、吳郡治下狗恒夜吠、聚高橋上、人家狗有限而吠聲甚衆、或有夜覘視之云、一狗假有兩三頭、皆前向亂吠、無幾孫恩亂於吳會焉、是時輔國將軍孫無終家于旣陽、地中無犬子聲、尋而地坼有二犬子、皆白色、一雄一雌、取而養之、皆死、後無終爲桓玄所誅滅、按尸子曰、地中有犬、名曰地狼、夏鼎志

白青白祥

曰、掘地得犬、名曰賈、此蓋自然之物、不應出而、出、爲犬、魁也、

武帝太康十年、洛陽宮西宜秋里石生地中、始高三尺、如香爐形、後如偃人、槃薄不可掘、按劉向說此白青也、明年宮車晏駕、王室始騷、卒以亂亡、京房易傳曰、石立如人、庶士爲天下雄、此近之矣、

惠帝太安元年、丹陽湖熟縣夏架湖、有大石、浮二百步而登岸、民驚噪相告曰、石來、干寶

視

草妖

晉書
曰、尋有石冰入建鄴、

傳曰視之不明是謂不哲厥咎舒厥罰恒燠厥極疾時則有草妖時則有羸蟲之孽時則有羊羴時則有目痾時則有赤眚赤祥惟水沴火

吳孫皓天紀三年八月建鄴有鬼目菜於工黃狗家生依緣棗樹長丈餘莖廣四寸厚二分又有蕒菜生工吳平家高四尺如枇杷形上圓徑一尺八寸莖廣五寸兩邊生葉綠色

東觀按圖名鬼目作芝草蕒葉作平慮遂以狗為侍芝郎平為平慮郎皆銀印青綬千寶曰明年平吳王濬止船正得平渚姓名顯然指事之徵也黃狗者吳以土運承漢初有黃龍之瑞及其季年而有鬼目之妖託黃狗之家黃稱不改而貴賤大殊天道精微之應也

惠帝元康二年春巴西郡界竹生花紫色結實如麥外皮青中赤白味甘

羽蟲之孽

孝懷帝永嘉二年冬、項縣桑樹有聲如解材、人謂之桑樹哭、按劉向說桑者喪也、又為哭聲、不祥之甚、是時京師虛弱、胡寇交侵、五年東海王越薨于此城、石勒邀其眾、圍而射之王公以下、至眾庶死者十餘萬人、明帝太寧元年九月、會稽剡縣木生如人面、是後王敦稱兵作逆、禍敗無成、昔漢哀成之世、竝有此妖、而人貌備具、故其禍更大、魏文帝黃初四年五月、有鵝鵠鳥集靈芝池、

蔣云解得有情致其意調乃自詩小序來

按劉向說此羽蟲之孽、又青祥也、詔曰、此詩人所謂污澤者也、曹詩刺共公、遠君子、近小人、今豈有賢智之士、處于下位、否則斯鳥何為而至哉、其博舉天下、雋德茂才、獨行君子、以荅曹人之刺、於是楊彪、管寧之徒、咸見薦舉、此所謂覩妖知懼者也、然猶不能優容亮直、而多溺偏私矣、京房易傳曰、辟退有德、厥妖水鳥集于國中、

景初元年、陵霄閣始構、有鵲巢其上、鵲體白

黑雜色。帝以問高堂隆，對曰：詩云：惟鵲有巢，惟鳩居之。今興起宮室，而鵲來巢，此宮室未成，身不得居之象也。天戒若曰：宮室未成，將有他姓制御之，不可不深慮。於是帝改顏動色。

惠帝永康元年，趙王倫既篡，京師得異鳥，莫能名。倫使人持出，周旋城邑，市以問人。積日，宮西有小兒見之，逆自言曰：服留鳥翳，持者卽還白倫。倫使更求，又見之，乃將入宮，密籠

鳥，并閉小兒戶中。明日視之，悉不見。時趙王倫有目癩之疾，言服留者，謂倫留將服其罪也。尋而倫誅。

孝懷帝永嘉元年二月，洛陽東北步廣里地陷，有蒼白二色。鵝出，蒼者飛翔冲天，白者止焉。陳留董養曰：步廣，周之狄泉，盟會地也。白者金色，國之行也。蒼爲胡象，其可盡言乎。是後劉石相繼亂華。

公孫淵時，襄平北市生肉，長圍各數尺，有頭

赤背赤祥

蔣云此與載記
舊皆引聰立三

目口喙無手足而動搖此赤祥也占曰有形
不成有體不聲其國滅亡淵尋為魏所誅
愍帝建興二年正月平陽地震劉聰築崇明
觀陷為池水赤如血赤氣至天有赤龍奮迅
而去流星起于牽牛入紫微龍形委蛇其光
照地落平陽北十里化為肉長三十步廣二
十七步肉旁常有哭聲晝夜不止數日劉聰
偽后劉氏產一蛇一虎各害人而走尋之不
得頃之見於隕肉之旁聰惡之以問公卿陳

后為徵按立三
后在明年于時
未也

元達以為內寵太盛亡國之徵俄而劉氏死
嬖寵競進其國漸衰

志第十八

晉書二十八

終

晉書卷二十八

志

志第十九

晉書二十九 三徑叢書

竟陵鍾 惺原評

構李蔣之翹刪定
同里曹禎驥叅校

五行下

聽

傳曰聽之不聰是謂不謀厥咎急厥罰恒寒
厥極貧時則有鼓妖時則有魚孽時則有不
暵時則有耳痲時則有黑膏黑祥惟火沴水
吳孫權嘉禾三年九月朔隕霜傷穀按劉向
說誅罰不由君出在臣下之象也是時校事

恒寒

呂壹專威福、與漢元帝時石顯用事隕霜同
應、班固書九月二日、陳壽言朔、皆明未可以
傷穀也、壹後亦伏誅、京房易傳曰、興兵妄誅
茲謂干法、厥災霜、夏殺五穀、冬殺麥、誅不原
情、茲謂不仁、其霜夏先大雷風、冬先雨、乃隕
霜有芒角、賢聖遭害、其霜附木不下地、佞人
依刑、茲謂私賊、其霜在草根土隙間、不教而
誅、茲謂虐、其霜反在草下、
惠帝光熙元年閏八月甲申朔霰雪、劉向曰

盛陽雨水湯熱、陰氣脅之、則轉而為雹、盛陰
雨雪凝滯、陽氣薄之、則散而為霰、今雪非其
時、此聽不聰之應、是年帝崩、
孝武元興二年十二月酷寒過甚、是時桓玄
篡位、政事煩苛、識者以為朝政失在舒緩、玄
則反之以酷、按劉向曰、周衰無寒歲、秦滅無
燠年、此之謂也、

孝武太元十五年三月巳酉朔、東北方有聲
如雷、按劉向說以為雷當託於雲、猶君託於

鼓妖

孫云天無雲而
雷謂天鼓鳴故

以附之鼓妖

臣無雲而雷此君不恤於下下人將叛之象也及帝崩而天下漸亂孫恩桓玄交陵京邑吳興長城夏架山有石鼓長丈餘面徑三尺其下有盤石爲足鳴則聲如金鼓三吳有兵至安帝隆安中大鳴後有孫恩之亂魏齊王嘉平四年五月有二魚集于武庫屋上此魚孽也王肅曰魚生於水而亢於屋介鱗之物失其所也邊將其右有棄甲之變乎後果有東關之敗

魚孽

蝗

懷帝永嘉四年五月大蝗自幽并司冀至于秦雍草木牛馬毛鬣皆盡是時天下兵亂漁獵黔黎存亡所繼惟司馬越苟晞而已競爲暴刻經略無章故有此孽

思

傳曰思心之不容是謂不聖厥咎霜厥罰恒風厥極凶短折時則有脂夜之妖時則有華孽時則有牛虺時則有心腹之痾時則有黃肯黃祥時則有金木水火沴土

牛虺

惠帝太安中江夏張騁所乘牛言曰天下亂

乘我何之、騁懼而還、犬又言曰、歸何早也、尋後牛又人立而行、騁使善卜者卦之、謂曰、天下將有兵亂、爲禍非止一家、其年張昌反、先略江夏、騁爲將帥、於是五州殘亂、騁亦族滅、京房易數曰、牛能言、如其言、占吉凶、易萌氣、樞曰、人君不好士、走馬被文繡、犬狼食人食、則有六畜談言、時天子諸侯、不以惠下爲務、又其應也、

桓玄之國在荊州、詣刺史殷仲堪、行至鶴穴、

黃書黃祥

蔣云晉書好搜羅神怪不減虞初五行志乃其所當行者但此中真偽區別固不易然亦不必區別東坡云姑妄言之正可作

逢一老公驅青牛、形色瓌異、桓玄卽以所乘牛易取、乘至零陵涇溪、駿駛非常、息駕飲牛、牛逕入江水不出、玄遣人覘守、經日無所見、於後玄敗被誅、

魏齊王正始中、中山王周南爲襄邑長、有鼠從穴出、語曰、王周南、爾以某日死、周南不應。鼠還入穴、至期、更冠幘皂衣、出語曰、周南汝日中死、又不應。鼠復入穴、斯須更出、語如向日適。欲中、鼠入、須臾復出、出復入、轉更數語、

如前日適中鼠曰周南汝不應我復何道言
絕顛蹶而死卽失衣冠取視俱如常鼠按班
固說此黃祥也是時曹爽專政競爲比周故
鼠作變也

皇極

傳曰皇之不極是謂不建厥咎眊厥罰恒陰
厥極弱時則有射妖時則有龍蛇之孽時則
有馬羆時則有下人伐上之病時則有日月
亂行星辰逆行

射妖

蜀車騎將軍鄧芝征涪陵見玄猿緣山手射

中之猿拔其箭卷木葉塞其創芝曰嘻吾違
物之性其將死矣俄而卒此射妖也一曰猿
母抱子芝射中之子爲拔箭取木葉塞創芝
歎息投弩水中自知當死

龍聖之章

武帝太康五年正月癸卯二龍見武庫井中
帝觀之有喜色百僚將賀劉毅獨表曰昔龍
祭夏庭禍發周室龍見鄭門子產不賀孫盛
曰龍水物也何與於人子產言之當矣但非
其所處實爲妖灾夫龍以飛翔顯見爲瑞今

人疴

蔣云白猿化為老人老嫗化為白龜兩事俱奇絕可為的對

則潛伏幽處、非休祥也、

孫皓寶鼎元年丹陽宣騫母年八十、因浴化為龜、兄弟閉戶衛之、掘堂上作大坎、實水其中、龜入坎遊戲、恒延頸外望、伺戶小開、便輪轉自躍、入于遠潭、遂不復還、與漢靈帝時黃氏母同事、吳亡之象也、

惠帝元康中、梁國女子許嫁、其夫戍長安、經年不歸、父母更以適人、女不樂行、強從之、尋得病亡、夫還、問其女所在、其家具說之、其夫

徑至女墓、不勝哀、便發冢開棺、女遂活、因與俱歸、後壻詣官爭之、所在不能決、秘書郎王導議曰、此是非常事、不得以常理斷之、宜還前夫、朝廷從其議、

惠帝世、杜錫家葬、婢誤不得出、後十年、開冢耐葬、而婢尚生、始如瞋、有頃漸覺、問之、自謂再宿耳、初婢之埋、年十五、六、及開冢更生、猶十五、六也、嫁之有子、

惠帝之世、京洛有人兼男女體、亦能兩用人

蔣云字字寫得真筆墨俱韻

道而性尤濇此亂氣所生自咸寧太康之後男寵大興天下相倣效或至夫婦離絕故男女氣亂而妖形之作也

懷帝永嘉五年五月枹罕令嚴根妓產一龍一女一鵝京房易傳曰人生他物非人所見者皆為天下大兵帝尋陷於平陽為逆胡所害

愍帝建興四年新蔡縣吏任僑妻產二女腹與心相合自胸以上臍以下各分此蓋天下

蔣云呂會此表
癡絕諳絕若作
滑稽視之乃佳

未一之妖也時內史呂會上言按瑞應圖異根同體謂之連理異畝同穎謂之嘉禾草木之異猶以為瑞今二人同心易稱二人同心其利斷金蓋四海同心之瑞也時皆哂之俄而四海分崩帝亦淪沒

康帝建元二年十月衛將軍營督過望所領兵陳瀆女臺有文在其足曰天下之母灸之愈明京都誼譁有司收繫以聞俄自建康縣獄亡去明年帝崩獻后臨朝此其祥也

志第十九

晉書二十九

終

[Faded vertical text columns, likely bleed-through from the reverse side of the page]

志第二十

晉書三十

三徑藏書

竟陵鍾

惺原評

檇李蔣之翹刪定
婁東張采叅校

刑法

蔣云晉諸志惟刑法中多名文議論
鑿鑿極痛快盡情然議禮則拈一情
字自是晉人特解

傳曰齊之以禮有恥且格刑之不可犯不若
禮之不可踰則昊歲比於犧年宜有降矣若
夫穹圓肇判肖貌攸分流刑播其喜怒稟氣

蔣云唐虞以前
兵刑皆屬士故
前志刑法亦帶
敘兵此回祖其
意者

彰其善惡。則有自然之理焉。念室後刑。衢樽
先惠。念字疑誤將以屏除災害。引導休和。取
警琴瑟。不忘銜策。擬陽秋之成化。若堯舜之
爲心也。郊原布肅。軒皇有轡野之師。雷電揚
威。高辛有觸山之務。陳乎兵甲。而肆諸市朝。
具嚴天刑。以懲亂首。論其本意。蓋有不得已
而用之者焉。是以丹浦興仁。羽山咸服。而世
屬僥倖。事關攸蠹。政失禮微。獄成刑起。則孔
子曰。聽訟吾猶人也。必也使無訟乎。及周氏

龔行。却收鋒刃。祖述生成。憲章堯禹。政有膏
露。威兼禮樂。或觀辭以明其趣。或傾耳以照
其微。或彰善以激其情。或除惡以崇其本。至
夫取成定霸。一匡九合。寓言成康。不由凝納。
此所謂酌其遺美。而愛民治國者焉。若乃化
菽彝倫。道睽明慎。則夏癸之虐。劉百姓。商辛
之毒。痛四海。衛鞅之無所自容。韓非之不勝
其虐。與夫甘棠流詠。未或同歸。秦文初造。參
夷始皇。加之抽脇。囹圄如市。悲哀盈路。漢王

晉書 二
以三章之法弔之、文帝以刑厝之道臨之、于
時百姓欣然、將逢交泰、而犴逐情遷、科隨意
往、獻瓊杯於闕下、徙青衣於蜀路、覆醢、裁刑、
傾宗致獄、況乃數囚於京兆之夜、五日於長
安之市、北闕相引、中都繼及者、亦徃徃而有
焉、而將亡之國、典刑咸棄、刑章以急、其憲適
意、以寬其綱、桓靈之季、不其然歟、世祖武皇
帝接三統之微、酌千年之範、乃命有司、大明
刑憲、于時詔書頒新法於天下、海內同軌、人

又云子產鑄刑
書曰吾以救世
也其言簡澹足
以包此二語然
二語亦闡得明
快

甚安之、條網雖設、稱爲簡惠、仰昭天睭、下濟
民心、道有法而無敗、德俟刑而久立、及晉圖
南徙、百有二年、仰止前規、捭其流潤、江左無
外、蠻貊來格、孝武時、會稽王道子、傾弄朝權、
其所樹之黨、貨官私獄、烈祖昏迷、不聞司敗、
晉之綱紀大亂焉、
漢獻帝建安元年、應劭以舊律繁蕪、未經纂
集、又刪定律令、以爲漢議、遂表奏之、是時天
下將亂、百姓有土崩之勢、刑罰不足以懲惡、

張云肉刑之制肇自上古官必清平獄無請濫乃可施斷若乃後世獄吏未能據律不撓勢枉昧謁何日無之鞭笞流隸之刑卽有冤誣受罪滿日猶爲全人若斷截肢體豈可復續如是告吏之章必滿公車孝子順孫制刃于長吏之腹者亦無虛日矣

於是名儒大才、故遼東太守崔寔、大司農鄭玄、大鴻臚陳紀之徒、咸以爲宜復行肉刑。在朝既不議其事、故無所用矣。及魏武輔漢、尚書令荀彧、博訪百官、復欲申之、而少府孔融議以爲古者敦龐善否、刑清政簡、百姓有罪、皆自取之。末世陵遲、風化壞亂、政撓其俗、法害其教。而欲繩之以古刑、投之以殘棄、非所謂與時消息也。孔議見後漢書故不全錄朝廷善之、卒不改焉。及魏國建、陳紀子群時爲御史中丞、魏

武又欲復之、使群申其父論、群深陳其便、時鍾繇爲相國、亦贊成之、而奉當王修不同其議。魏武帝亦難以藩國改朝制、遂寢不行。文帝受禪、又議肉刑、詳議未定、會有軍事、復寢。時有大女劉朱、搗子婦酷暴、前後三婦自殺、論朱、朱減死、輸作尚方、因是下怨毒、殺人減死之令。魏明帝改士庶罰金之令、男聽以罰金、婦人如笞、還從鞭督之例、以其形體裸露故也。及景帝輔政、是時魏法犯大逆者、誅及

已出之女毋丘儉之誅其子甸妻荀氏應坐死其族兄顓與景帝姻通表魏帝以甸其命詔聽離婚荀氏所生女芝爲顓川太守劉子元妻亦坐死以懷妊繫獄荀氏辭詣司隸校尉何曾乞恩求沒爲官婢以贖芝命曾哀之使主簿程咸上議曰夫司寇作典建三等之制甫侯修刑通輕重之法叔世多變秦立重辟漢又修之大魏承秦漢之弊未及革制所以追戮已出之女誠欲殄醜類之族也然則

將云凡論文須
含蓄有不盡意
若議事便不嫌
其盡盡故痛快

法貴得中刑慎過制臣以爲女人有三從之義無自專之道出適他族還喪父母降其服紀所以明外成之節異在室之恩而父母有罪追刑已出之女夫黨見誅又有隨姓之戮一人之身內外受辟今女既嫁則爲異姓之妻如或產育則爲他族之母此爲元惡之所忽戮無辜之所重於防則不足懲奸亂之源於情則傷孝子之心男不得罪於他族而女獨嬰戮於二門非所以哀矜女弱蠲明法制

又云新創法足
為一代大典故

之本分也。臣以為在室之女。從父母之誅。既
醮之婦。從夫家之罰。宜改舊科。以為永制。於
是有詔改定律令。文帝為晉王。患前代律令
本注煩雜。陳群劉邵雖經改革。而科網本密。
又叔孫郭馬杜諸儒章句。但取鄭氏。又為徧
黨。未可承用。於是令賈充定法律令。與太傅
鄭沖。司徒荀顛。中書監荀勗等十四人。典其
事。就漢九章。增十一篇。仍其族類。正其體號。
改舊律為刑名法例。辨囚律為告劾繫訊斷

序次不得不詳
自是遷回家學

獄。分盜律為請賕詐偽水火毀亡。因事類為
衛宮違制。換周官為諸侯律。合二十篇。六百
二十條。二萬七千六百五十七言。蠲其苛穢。
存其清約。事從中典。歸於益時。其餘未宜除
者。若軍事田農酤酒。未得皆從人心。權設其
法。太平當除。故不入律。悉以為令。施行制度。
以此設教。違令有罪。則入律。其常事品式章
程。各還其府為故事。滅梟斬族。誅從坐之條。
除謀反。適養母。出女嫁。皆不復還坐。父母棄

市省禁錮相告之條。去捕亡沒爲官奴婢之制。輕過誤。老小女人當罰金。杖罰者。皆令半之。重奸伯叔母之令。棄市。淫寡女三歲刑。崇嫁娶之要。一以下聘爲正。不理私約。峻禮教之防。准五服以制罪也。凡律令合二千九百二十六條。十二萬六千三百言。六十卷。故事三十卷。泰始三年事畢表上。武帝詔曰。昔蕭何以定律令受封。叔孫通制儀爲奉常。賜金五百斤。弟子百人皆爲郎中。夫立功立事

古今之所重。宜加祿賞。其詳考差敘。輒如詔簡異弟子百人。隨才品用。賞帛萬餘匹。武帝親自臨講。使裴楷執讀。四年正月大赦天下。乃班新律。其後明法掾張斐又注律表上之。其要曰。律始於刑名者。所以定罪制也。終於諸侯者。所以畢其政也。王政布於上。諸侯奉於下。禮樂撫於中。故有三才之義焉。其相須而成。若一體焉。夫刑者司理之官。理者求情之機。情者心神之使。心感則情動於中。而形

蔣云刑法中妙
理亦至牛毛繭
絲讀之令人欲
怯欲警若俗吏
便一味據文斷
法而已從何知
之

於言暢於四支發於事業是故奸人心愧而
面赤內怖而色奪論罪者務本其心審其情
精其事近取諸身遠取諸物然後乃可以正
刑仰手似乞俯手似奪捧手似謝擬手似訴
拱臂似自首攘臂似格鬪矜莊似感怡悅似
福喜怒憂懼貌在聲色奸真猛弱候在視息
出口有言當為告下手有禁當為賊喜子殺
怒子當為戲怒子殺喜子當為賊諸如此類
自非至精不能極其理也故善律者或計過

以配罪或化略不循常或隨事以盡情或趣
舍以從時或推重以立防或引輕而就下公
私廢避之宜除削重輕之變皆所以臨時觀
釁者用法執詮者幽於未制之中采其根牙
之微致之於機格之上稱輕重於豪銖考輩
類於參伍然後乃可以理直刑正夫奉聖典
者若操刀執繩刀妄加則傷物繩妄彈則侵
直梟首者惡之長斬刑者罪之大棄市者死
之下髡作者刑之威贖罰者誤之誠王者立

此五刑所以實君子而逼小人故爲勅慎之
經皆擬周易有變通之體焉欲令提綱而大
道清舉略而王法齊其旨遠其辭文其言曲
而中其事肆而隱通天下之志唯忠也斷天
下之疑唯文也切天下之情唯遠也彌天下
之務唯大也變無常體唯理也非天下之賢
聖孰能與於斯夫形而上者謂之道形而下
者謂之器化而財之謂之格刑殺者似冬震
曜之象髡罪者似秋彫落之變贖失者是春

陽悔吝之疵也五刑成章輒相依准法律之
義焉是時侍中盧瑱中書侍郎張華又表抄
新律諸死罪條目懸之亭廡以示兆庶有詔
從之及劉頌爲廷尉頻表宜復肉刑不見省
至惠帝之世政出群下每有疑獄各立私情
刑法不定獄訟繁滋尚書裴頠雖表陳之時
劉頌爲三公尚書又上疏曰自近世以來法
漸多門令甚不一臣今備掌刑斷職思其憂
謹具啓聞臣竊伏惟陛下爲政每盡善故事

蔣云劉頌論刑
法其言峭而核
辨而明淨不減
商韓大抵西晉
人俱尚老莊東
晉尚韓非故其
文各自有所近
耳

求曲當則例不得直盡善故法不得全何則
夫法者固以盡理為法而上求盡善則諸下
牽文就意以赴主之所許是以法不得全刑
書徵文徵文必有乖於情聽之斷而上安於
曲當故執平者因文可引則生二端是法多
門令不一則吏不知所守下不知所避姦偽
者因法之多門以售其情所欲淺深苟斷不
一則居上者難以檢下於是事同議異獄狂
不平有傷於法古人有言人主詳其政荒人

主期其事理詳匪他盡善則法傷故其政荒
也期者輕重之當雖不厭情苟入於文則得
而行之故其事理也夫善用法者忍違情不
厭聽之斷輕重雖不允人心經於凡覽若不
可行法乃得直又君臣之分各有所司法欲
必奉故令主者平文理有窮塞故使大臣釋
滯事有時宜故人主權斷主者守文若釋之
執犯蹕之平也大臣釋滯若公孫弘斷郭解
之獄也人主權斷若漢祖戮丁公之為也天



晉書
下萬事自非斯格重爲故不近似此類不得
出以意妄議其餘皆以律令從事然後法信
於下民聽不惑吏不容奸可以言政人主軌
斯格以責群下大臣小吏各守其局則法一
矣古人有言善爲政者看人設教看人設教
制法之謂也又曰隨時之宜當務之謂也然
則看人隨時在大量也而制其法法軌既定
則行之行之信如四時執之堅如金石群吏
豈得在成制之內復稱隨時之宜傍引看人

設教以亂政典哉何則始制之初固已看人
而隨時矣今若設法未盡當則宜改之若謂
已善不得盡以爲制而使奉用之司公得出
入以差輕重也夫人君所與天下共者法也
已令四海不可以不信以爲教方求天下之
不慢不可繩以不信之法且先識有言人至
愚而不可欺也不謂平時背法意斷不勝百
姓願也上古議事以制不爲刑辟夏殷及周
書法象魏三代之君齊聖然咸棄曲當之妙

鑿而任徵文之直準。非聖有殊。所遇異也。今論時敦弊。不及中古。而執平者。欲適情之所安。自託於議事以制。臣竊以為聽言則美。論理則違。然天下至大。事務衆雜。時有不得。悉循文如令。故臣謂宜立格爲限。使王者守文。死生以之。不敢錯思於成制之外。以差輕重。則法恒全。事無正據。名例不及。大臣論當以釋不滯。則事無閔。至如非常之斷。出法賞罰。若漢祖戮楚臣之私已。封趙氏之無功。唯人

主專之。非奉職之臣。所得擬議。然後情求傍請之跡絕。似是而非之奏塞。此蓋齊法之大準也。王者小吏。處事無常。何則。無情則法徒克。有情則撓法積。克似無私。然乃所以得其私。又恒所咀以衛其身。斷當恒克。世謂盡公。時一曲法。迺所不疑。故人君不善倚深。似公之斷。而責守文如令之奏。然後得爲有檢。此又平法之一端也。夫出法權制。指施一事。厥情合聽。可適耳目。誠有臨時當意之快。勝於

徵文不允人心也、然起爲經制、終年施用、恒
得一而失十、故小有所得者、必大有所失、近
有所漏者、必達有所苞、故請事識體者、善權
輕重、不以小害大、不以近妨遠、忍曲當之、近
適、以全簡直之大準、不牽於凡聽之所安、必
守徵文以正例、每臨其事、恒御此心以決斷、
此又法之大槩也、又律法斷罪、皆當以法律
令正文、若無正文、依附名例斷之、其正文名
例所不及、皆勿論、法吏以上、所執不同、得爲

異議、如律之文、守法之官、唯常奉用律令、至
於法律之內、所見不同、迺得爲異議也、今限
法曹郎令史意有不同爲駁、唯得論釋法律
以正所斷、不得援求諸外論、隨時之宜、以明
法官守局之分、詔下其事、侍中太宰汝南王
亮、奏以爲夫禮以訓世、而法以整俗、治化之
本、事實由之、若斷不斷、常隨輕重意、則王憲
不一、人無所錯矣、故觀人設教、在上之舉、守
文直法、臣吏之節也、臣以去太康八年、隨事

異議。周懸象魏之書，漢詠畫一之法，誠以法與時共，義不可二。今法素定而法為議，則有所開長，以為宜如頌所啓，為永久之制。於是門下屬三公曰：昔先王議事以制，自中古以來，執法斷事，既以立法，誠不宜復求法外。小善也，若常以善奪法，則人逐善而无忌法，其害甚於無法也。按啓事欲令法令斷一，事無二門，郎令史已下，應復出去。駁按：隨事以聞也。及于江左，元帝為丞相，時朝廷草創，議斷

不循法律，主簿熊遠奏曰：禮以崇善，法以閑非，故禮有常典，法有常防，人知惡而無邪心，是以周漢創法，闡弘大道，以至刑厝，律令之作，由來尚矣。經賢智，歷夷險，隨事斟酌，最為周備。自軍興以來，法度陵替，至於處事不用律令，競作厲命，人立異議，曲適物情，虧傷大例。府立節度，復不奉用，臨事改制，朝作夕改。至於至者，不敢任法，每輒關諮。關白也。委之大官，非為政之體。若本曹處事不合法令，監司

當以法彈違、不得動用開塞、以壞成事、按法
蓋麤術、非妙道也、矯割物情以成法耳、若每
隨物情、輒改法制、此為以情壞法、法之不一、
是謂多門、開人事之路、廣私請之端、非先王
立法之本意也、凡為駁議者、愚謂宜令錄事
更立條制、諸立議者、皆當引律令經傳、不得
直以情言、無所依準、以虧舊典也、若開塞隨
宜、權道制物、此是人君之所得行、非臣子所
宜專用、王者唯當徵文據法、以事為斷耳、是

時帝以權宜從事、尚未能從、及帝卽位、河東
衛展為廷尉、上言宜復肉刑、時驃騎將軍王
導、太常賀循等、皆同其議、尚書周顛郎曹彥
中書郎桓彝等、議以為復肉刑以代死、誠聖
王之至德、哀矜之弘私、然竊以為刑罰輕重、
隨時而作、時人少罪而易威、則從輕而寬之、
時人多罪而難威、則宜化刑而濟之、肉刑平
世所應立、非救弊之宜也、方今聖化草創、人
有餘奸、習惡之徒、為非未已、截頭絞頸、尚不

孫云刑名家金
針語

能禁而乃更斷足劓鼻輕其刑罰使欲爲惡者輕犯寬刑蹈罪更衆是爲輕其刑以誘人於罪殘其身以加楚酷也昔之畏死刑以爲善人者今皆犯輕刑而殘其身畏重之常人反爲犯輕而致囚此則何異斷刑常人以爲恩仁邪受刑者轉廣而爲非者日多踊貴屨賤有鼻者醜也徒有輕刑之名而實開長惡之源不若以殺止殺重以全輕權小停之須聖化漸著兆庶易威之日徐施行也議奏元

帝猶欲從展所上大將軍王敦以爲百姓習俗日久忽復肉刑必駭遠近且逆寇未殄不宜有慘酷之聲以聞天下於是乃止咸康之世庾冰好爲糾察近於繁細後益矯違復存寬縱疎密自由律令無用矣

志第二十

晉書三十

終

列傳第一
晉書三十一
三徑藏書

列傳第一

晉書三十一

三徑藏書

竟陵鍾

惺原評

檇李蔣之翹刪定

晉安黃景昉叅校

后妃傳上

夫乾坤定位、男女流形、伉儷之義同歸、貴賤之名異等、若乃作配皇極、齊體紫宸、象玉牀之連後星、喻金波之合羲璧。爰自夙古、是謂元妃、降及中年、乃稱王后、四人竝列、光于帝嚳之宮、二妃同降、著彼有虞之典、夏商以上、

蔣云引經不特
典實而已有此
纒體勢不板

六宮之制、其詳靡得而聞焉。姬劉以降、五翟
之規、其事可畧而言矣。周禮天子立一后三
夫人、九嬪、二十七世婦、八十一御妻、以聽王
者內政。故婚義曰：天子之與后、如日之與月、
陰之與陽、由斯而談、其所從來遠矣。故能母
儀天、寓助宣王化、德均載物、比大坤維、宗廟
歆其薦羞、穹壤俟其交泰、是以哲王垂憲、尤
重造舟之禮、詩人立言、先獎葛覃之訓、後燭
流景、所以裁其宴私、房樂希聲、是用節其容

止。履端正本、抑斯之謂歟。若乃娉納有方、防
閑有禮、肅尊儀而修四德、體柔範而弘六義。
陰教洽於宮闈、淑譽騰於區域、則玄雲入戶、
上帝錫母萌之符。黃神降徵、坤靈贊壽丘之
道。終能鼎祚惟永、胤嗣克昌。至若儷極虧閑、
憑天作孽、倒裳衣於衽席、感眇側於弦望。則
龍爨結釁、宗周鞠為黍苗。鸞尾挺灾、隆漢墜
其粉社矣。自曹劉內主、位以色登、甄衛之家
榮非德舉、浮荒挺性、裴西郊之禮容、婉變含

劉云儷偶妍美
大似盧王章創

蔣云上有挺灾則此字法似復可改

辭作南國之奇態、詖謁由斯外入、穢德於是
內宣、椒掖播晨牝之風、蘭殿絕河雎之響、永
言彤史、大練之範逾微、緬視青蒲、脫珥之猷
替矣、晉承其末、與世污隆、宣皇創基、功弘而
道屈、穆后一善、勤侔於十亂、洎乎太祖、始親
選良家、既而帝掩純扇、躬行請託、后採長白、
實彰妒忌之情、賈納短青、竟踐覆亡之轍、得
失遺跡、煥在綈緇、興滅所由、義同畫一、故列
其本事、以爲后妃傳云、蔣云序論風藻當與沈范雁行而以下敘

事處俱鍊隋惟二楊與賈庶人稍加麗雜然
文字又惟此稍大至左貴嬪褚康后則以文
爲文矣

宣穆張皇后諱春華河內平臯人也父汪魏
粟邑令母河內山氏司徒濤之從祖姑也后
少有德行智識過人生景帝文帝平原王幹
南陽公主宣帝初辭魏武之命託以風痺嘗
蔣云謫事恒敗于倉卒所謂瞞不到底
暴書遇暴雨不覺自起收之家惟有一婢見
之、后恐事泄遂手殺之以滅口而親自執爨
帝由是重之其後柏夫人有寵后罕得進見

蔣云天生奸雄
必生此一人
作幫手老物奸
狠

帝嘗臥疾，后徃省，帝曰：老物可憎，何煩出也。
后慙，慙、慙志不食，將自殺，諸子亦不食，帝驚而致
謝，后乃止。帝退而謂人曰：老物不足惜，慮困
我好兒耳。魏正始八年崩，葬洛陽高原陵，追
贈廣平縣君，咸熙元年追號宣穆妃。及武帝
受禪，追尊為皇后。

景懷夏侯皇后諱徽，字媛容，沛國譙人也。父
尚，魏征南大將軍，母曹氏，魏德陽鄉主。后雅
有識度，帝每有所為，必豫籌畫。魏明帝世，宣

帝居上將之重，諸子竝有雄才大畧，后已知。

帝非魏之純臣，而后既魏氏之甥，帝深忌之。

青龍二年，遂以鴆崩，葬峻平陵。武帝登阼初

未追崇弘訓，太后每以為言。泰始二年始加

號諡，后無男生五女。

景獻羊皇后

文明王皇后諱元姬，東海郟人也。父肅，魏中
領軍、蘭陵侯。后年八歲，誦詩論，尤善喪服。苟
有文義，目所一見，必貫於心。九歲，遇母疾，扶

侍不捨左右、衣不解帶者久之、每先意候指、動中所適、由是父母令攝家事、祖朗甚愛異之、曰、興吾家者、必此女也、惜不爲男矣、既笄、歸于文帝、生武帝、及遼東悼王、定國、齊獻王、攸、城陽哀王、兆、廣漢、殤王、廣德、京兆公主、后、事舅姑、盡婦道、謙沖接下、嬪御有序、及居父喪、身不勝衣、言與淚俱、時鍾會以才能見任、后每言於帝曰、會見利忘義、好爲事端、寵過必亂、不可大任、會後果反、武帝受禪、尊爲皇

蔣云雖婦女常態却寫得出

太后宮曰崇化、初置公卿、重選其職、以太常諸葛緒爲衛尉、太僕劉原爲太僕、宗正曹楷爲少府、后雖處尊位、不忘素業、躬執紡績、罷服無文、御浣濯之衣、食不參味、而敦睦九族、垂心萬物、言必典禮、浸潤不行、帝以后母羊氏未崇謚、號泰始三年、下詔曰、昔漢文追崇靈文之號、武宣有平原博平之封、咸所以奉尊尊之敬、廣親親之恩也、於是使使持節謁者何融、追謚皇太后母羊氏爲平陽縣君、四

蔣云每惟四語
甚悽惋亦鍊得
淨

晉書 五
年后崩合葬崇陽陵將遷祔帝手疏后德行
命史官為哀策錄文不其後帝追慕不已復下
詔曰外曾祖母故司徒王朗夫人楊氏舅氏
尊屬鄭劉二從母先后至愛每惟聖善敦睦
遺旨渭陽之感永懷靡及其封楊夫人及從
母為鄉君邑各五百戶

武元楊皇后諱豔字瓊芝弘農華陰人也父
文宗見外戚傳母天水趙氏早卒后依舅家
舅妻仁愛親乳養后遣他人乳其子及長又

為追懷舅氏思一段張

隨後母段氏依其家后少聰慧善書姿質美
麗閑女工有善相者常相后當極貴文帝聞
而為世子聘焉甚被寵遇生毗陵悼王軌惠
帝秦獻王東平陽新豐陽平公主武帝即位
立為皇后有司奏依漢故事皇后太子各食
湯沐邑四十縣而帝以非古典不許后追懷
舅氏恩顯官趙俊納俊兄虞女粲於後宮為
夫人帝以皇太子不堪奉大統密以語后后
曰立嫡以長不以賢豈可動乎初賈克妻郭

名槐

蔣云賈氏文原
作賈后誤

蔣云貴族不可
枉卑聽者惟心
以為不然而無
以奪之強詞實
可文如

氏使賂后左右求以女為太子妃及議太子
婚、后盛稱賈氏女有淑德、上聽之、泰始中、帝
博選良家以克後宮、先下書禁天下嫁娶、使
宦者乘使車、給騶騎、馳傳州郡、召克選者、使
后揀擇、后性妒、惟取潔白長大、其美麗者、竝
不見、畱時、卞藩女有美色、帝掩扇謂后曰、卞
氏女佳、后曰、藩三世后族、魏武帝卞后弟乘
生蘭及琳蘭孫女
為高貴鄉公后琳女又其女不可枉以卑位、
為陳畱王后凡三世
帝乃止、司徒李胤、鎮軍大將軍胡奮、廷尉諸

葛沖、太僕臧權、侍中馮蓀、秘書郎左思、及世
族子女、竝充三夫人九嬪之列、司冀、兗、豫、四
州二千石將吏家、補良人、以下名家盛族子
女、多敗衣瘁貌、以避之、及后有疾、見帝素幸
胡夫人、恐後立之、慮太子不安、臨終、枕帝膝
曰、叔父駿、女男胤、句簡有德色、願陛下以備六宮、
因悲泣、帝亦泣、許之、泰始十年崩絕于帝膝、
於是有司卜吉、窀穸有期、乃命史官作哀策、
敘懷、其詞曰、天地配序、成化兩儀、王假有家、

道在伉儷、姜嫄佐譽、二妃興媯、仰希古昔、冀亦同規、今胡不然、景命夙虧、嗚呼哀哉、我應圖籙、統臨萬方、正位于內、實在嬪嬙、天作之合、駿發之祥、河嶽降靈、啓祚豐陽、奕世豐衍、朱芾斯煌、纘女惟行、受命溥將、來翼家邦、憲度是常、緝熙陰教、德聲顯揚、昔我先妣、暉曜休光、后承前訓、奉述遺芳、宜嗣徽音、繼序無荒、如何不弔、背世隕喪、望齊無主、長去烝嘗、追懷永悼、率土摧傷、嗚呼哀哉、陵兆既窆、將

遷幽都、宵陳夙駕、元妃其徂、宮闈遏密、階庭空虛、設祖布紼、告駕啓塗、服翬禴狄、寄象容車、金路掩藹、裳帳不舒、千乘動軫、六驥躊躇、銘旌樹表、麗○句○禘禘同軌、岌岌烝徒、孰不云懷、哀感萬夫、寧神虞卜、安體玄廬、土房陶簋、齊制遂初、依行紀謚、聲被八區、蔣○云○八○字雖背明老、亦歸皇姑、寫○得○恍○惚○沒而不朽、世德作謨、嗚呼哀哉、乃葬于峻陽陵、

武悼楊皇后諱芷字季蘭小字男胤元后從

孫云楊氏二后
一勸立賈后一
勸無廢賈后已
而弒后滅楊氏
者即賈后也可
爲狗私誤國者
戒

妹父駿別有傳以咸寧二年立爲皇后婉嫕
有婦德美暎椒房甚有寵生渤海殤王早薨
遂無子太康九年率內外夫人命婦躬桑
于西郊賜帛各有差太子妃賈氏酷妒帝將
廢之后言於帝曰賈公闈有勲社稷猶當數
世宥之賈妃親是其女正復妒忌之間不足
以一青掩其大德后又數誠厲妃妃不知后
之助已因以致恨及帝崩尊爲皇太后賈后
凶悖忌后父駿執權遂誣駿爲亂使楚王瑋

蔣云此本無益于事徒

與東安王繇稱詔誅駿內外隔塞后題帛爲
書射之城外曰救太傅者有賞賈后因宣言
太后同逆駿旣死詔使後軍將軍荀悝送后
于永寧宮賈后尋諷羣公有司奏曰皇太后
陰漸姦謀圖危社稷飛箭繫書要募將士同
惡相濟自絕于天魯侯絕文姜春秋所許蓋
以奉順祖宗任至公於天下陛下雖懷無已
之情臣下不敢奉詔可宣敕王公於朝堂會
議詔曰此大事更詳之中書監張華等以爲

太后非得罪於先帝者也、今黨惡所親、爲不
母於聖世、宜依孝成趙皇后故事曰、武帝皇
后、處之離宮、以全貴終之恩、尙書令下邳王
晃等議曰、皇太后謀危社稷、不可復配先帝、
宜貶尊號、廢詣金墉城、於是、有司奏請從晃
等議、廢太后爲峻陽庶人、遣使者以大牢告
于郊廟、以奉承祖宗之命、稱萬國之望、至于
諸所供奉、可順聖恩、務從豐厚、詔不許、有司
又固請、乃可之、又奏楊駿造亂、家屬應誅、請

以其妻龐、付廷尉行刑、詔曰、聽龐與庶人相
隨、有司希賈后旨、固請、乃從之、龐臨刑、太后
抱持號叫、截髮稽顙、上表請賈后、稱妾、請全
母命、不見省、初、太后尚有侍御十餘人、賈后
奪之、絕膳而崩、賈后又信妖巫、謂太后必訴
寃先帝、乃覆而殯之、施諸厭劾符書藥物、說文
治鬼曰、劾、永嘉元年、追復尊號、別立廟主、不配武
帝、至成帝咸康七年、下詔使內外詳議、衛將
軍虞潭議曰、世祖武皇帝、光有四海、元皇后

蔣云此議思致
媿媿亦有鋒而

應乾作配元后既崩悼后繼作至楊駿肆逆禍延聖母孝懷皇帝追復號謚豈不以鯀殛禹興義在不替者乎又太寧二年臣忝宗正帝譜泯棄罔所循按時博諮舊齒以定昭穆與故驃騎將軍華恒尚書荀崧侍中荀邃因舊譜參論撰次尊號之重一無改替今聖上孝思祇肅禋祀詢及羣司將以恢定大禮臣輒思議伏見惠皇帝起居注羣臣議奏列駿作逆謀危社稷引魯之文姜漢之呂后臣竊

以文姜雖莊公之母實為父讎呂后寵樹私戚幾危劉氏按此二事異於今日昔漢章帝竇后殺和帝之母和帝即位盡誅諸竇當時議者欲貶竇后及后之亡欲不以禮葬和帝以奉事十年義不敢違臣子之道務從豐厚仁明之稱表於徃代又見故尚書僕射裴頠議悼后故事稱繼母雖出追服無改是以孝懷皇帝尊崇號謚還葬峻陵此則母子道全而廢事蕩革也于時祭於弘訓之宮未入太

晉書
廟蓋是事之未盡非義典也若以悼后復位
為宜則應配食世祖若以復之為非則譜謚
宜闕未有位號居正而偏祠別室者也若以
孝懷皇帝私隆母子之道特為立廟者此苟
崇私情有虧國典則國譜帝諱皆宜除棄匪
徒不得同祠於世祖之廟也會稽王昱中書
監庾冰等咸從潭議由是太后配食武帝
左貴嬪名芬兄思別有傳芬少好學善綴文
名亞於思武帝聞而納之泰始八年拜修儀

受詔作愁思之文因為離思賦曰生蓬戶之

側陋兮蔣云三句俱鄙俚少鍊不閑習於文符不見圖畫之妙像兮

不聞先哲之典謨既愚陋而寡識兮謬忝廁

於紫廬非草苗之所處兮恒怵惕以憂懼懷

思慕之忉怛兮兼始終之萬慮嗟隱憂之沈

積兮獨鬱結而靡訴意慘憤而無聊兮思纏

綿以增慕夜耿耿而不寐兮魂憧憧而至曙

風騷騷而四起兮霜皚皚而依庭日晡曖而

無光兮氣瀏慄以冽清懷愁戚之多感兮患

蔣云以下意致
清激擣素之流
亞也

下患字深
涕淚之自零。昔伯瑜之婉孌兮，每綵衣以娛親。悼今日之乖隔兮，奄與家爲參辰。豈相去之云遠兮，曾不盈乎數尋。何宮禁之清切兮，欲瞻覩而莫因。仰行雲以歔歔兮，涕流射而沾巾。惟屈原之哀感兮，嗟悲傷於離別。彼城闕之作詩兮，亦以日而踰月。况骨肉之相於今，永緬邈而兩絕。長含哀而抱戚兮，仰蒼天而泣血。亂曰：骨肉至親，化爲他人。永長辭兮，慘愴愁悲。夢想魂歸，見所思兮。驚寤號咷，心

不自聊。泣漣漣兮，援筆舒情。涕淚增零，訴斯詩兮。後爲貴嬪，姿陋無寵。以才德見禮，體羸多患。常居薄室。帝每遊華林，輒回輦過之。言及文義，辭對清華。左右侍聽，無不稱美。及元楊皇后崩，將葬，芬奏曰：伏惟聖善宣慈，仁洽六合，含弘光大，德潤四海。妾聞之前志，卑不誅尊，少不誅長。揚雄臣也，而誅漢后。班固子也，而誅其父。皆以述揚景行，顯之竹帛。豈所謂三代不同禮，隨時而作者乎。遂獻誄曰：惟

錢維拙云高視
鴻擊竟復方駕
漢儒

蔣云前此乃誄
詞序耳纒纒千
餘言麗則有深
厚氣較前史臣
所撰殊勝

晉書
泰始十年秋七月丙寅晉元皇后楊氏崩。嗚呼哀哉。昔有莘適殷。姜嫄歸周。宣德中闡徽音。永流樊衛二姬。匡齊翼楚。馬鄧兩妃。亦毗漢主。峨峨元后。光嬪晉室。伉儷聖皇。比蹤往古。遭命不永。背陽卽陰。六宮號咷。四海慟心。嗟余鄙妾。銜恩特深。追慕三良。甘心自沈。何用存思。不忘德音。何用紀述。託辭翰林。乃作誄曰。赫赫元后。出自有楊。奕世朱輪。燿彼華陽。惟嶽降神。顯茲禎祥。篤生英媛。休有烈光。

含靈握文。異于庶姜。和暢春日。操厲秋霜。疾彼攸遂。敦此義方。率由四教。匪怠匪荒。行周六親。徽音顯揚。顯揚伊何。京室是臧。乃聘乃納。聿嬪聖皇。正位閨闈。惟德是將。鳴珮有節。發言有章。仰觀列圖。俯覽篇籍。顧問女史。咨詢竹島。思媚皇姑。虔恭朝夕。允釐中饋。執事有恪。于禮斯勞。于敬斯勤。雖曰齊聖。邁德日新。日新伊何。克廣弘仁。終溫且惠。帝妹是親。經緯六宮。罔不彌綸。羣妾惟仰。譬彼北辰。亦

昔比翼白屋雙飛紫閣悼后傷后早卽窀穸
言斯既及涕泗隕落追惟我后寔聰寔哲通
于性命達于儉節送終之禮比素上世穉無
珍寶訾無明月潛輝梓宮永背昭晰臣妾哀
號同此斷絕庭宇過密幽室增陰空設帷帳
虛置衣衾人亦有言神道難尋悠悠精爽豈
浮豈沈豐奠日陳冀魂之臨孰云元后不聞
其音乃議景行景行已溢乃考龜筮龜筮襲
吉爰定爰兆克成玄室魂之徃矣于以今日

將云前後云七
月丙寅後又云
今亦孟秋此作
仲秋之晨何也

中秋之晨啓明始出星陳夙駕靈輿結駟其
輿伊何金根玉箱其駟伊何二駟雙黃習習
容車朱服丹章隱隱轎軒弁經總裳華轂曜
野素蓋被原方相仡仡旌旄翻翻輓童引歌
白驥鳴轅觀者夾塗士女涕漣千乘萬騎迄
彼峻山峻山峩峩層阜重阿弘高顯敞據洛
背河左瞻皇姑右睇帝家惟存揆亡明神所
嘉諸姑姊妹姊妹似媵御追送塵軌號咷衢路
王侯卿士雲會星布羣官庶僚縞蓋無數咨

嗟通夜。東方云曙。百祇奉迎。我后安厝。中外
俱臨。同哀竝慕。涕如連雲。淚如湛露。扃闔既
闔。窈窈冥冥。有夜無晝。曷用其明。不封不樹。
山坂同形。昔后之崩。大火西流。寒往暑過。今
亦孟秋。自我銜卹。儵忽一周。衣服將變。痛心
若抽。逼彼體制。惟以增憂。去此素衣。結戀靈
丘。有始有終。天地之經。自非三光。誰能不零。
存播令德。沒圖丹青。先哲之志。以此爲榮。溫
溫元后。寔宣慈焉。撫育羣生。恩惠滋焉。遺愛

不已。永見思焉。懸名日月。垂萬春焉。嗚呼庶
妾。感四時焉。言思慕。涕漣湔焉。咸寧二年。
納悼后。芬於座。受詔作頌。其辭曰。峩峩華嶽。
峻極泰清。巨靈導流。河瀆是經。惟瀆之神。惟
嶽之靈。鍾于楊族。載育盛明。穆穆我后。應期
挺生。含聰履詰。岐嶷夙成。如蘭之茂。如玉之
榮。越在幼沖。休有令名。飛聲八極。翕習紫庭。
超。妊邈。姒。比德皇英。京室是嘉。備禮致聘。令
月吉辰。百僚奉迎。周生歸韓。詩人是詠。我后

疾至、車服暉映、登位太微、明德日盛、羣黎欣
戴、函夏同慶、翼翼聖皇、獻喆孔純、愍茲狂戾
闡惠播仁、蠲釁滌穢、與時惟新、沛然洪赦、恩
詔遐震、叶真后之踐阼、囹圄虛陳、萬國齊歡、六合
同欣、坤神抃舞、天人載悅、與順降祥、表精日
月、和氣烟燼、三光朗烈、既獲嘉時、尋播甘雪
玄雲、晻藹靈液、霏霏既儲、既積待陽而晞、曠
睨沾濡、柔潤中畿、長享豐年、福祿永綏、及帝
女萬年、公主薨、帝痛悼不已、亦詔芬爲誄、其

蔣云芬足紀者
文藻故始終以
文藻稱太冲之
有貴嬪卽孟堅
之有大家也

文甚麗、帝重芬詞藻、每有方物異寶、必詔爲
賦、頌、以是屢獲恩賜焉、荅兄思詩書及雜賦
頌數十篇、竝行於世、

胡貴嬪名芳、父奮、別有傳、泰始九年、帝多簡
良家子女以充內職、自擇其美者、以絳紗繫
臂、而芳旣入選、下殿號泣、左右止之曰、陛下
聞聲、芳曰、死且不畏、何畏陛下、帝遣洛陽令
司馬肇策拜芳爲貴嬪、字新帝每有顧問、不飾言
辭、率爾而荅、進退方雅、時帝多內寵、平吳之

孫云絳紗繫臂
竹葉引車二事
俱韻

後復納孫皓宮人數千自此掖庭殆將萬人
而竝寵者甚衆帝莫知所適常乘羊車恣其
所之至便宴寢宮人乃取竹葉插戶以鹽汁
灑地而引帝車然芳最蒙愛幸殆有專房之
寵焉侍御服飾亞于皇后帝嘗與之樗蒲爭
矢遂傷上指帝怒曰此固將種也芳對曰北
伐公孫西距諸葛非將種而何帝甚有慚色
鍾云貴嬪可為健婦妙在嬌癡中微帶氣骨
然其斌媚却在此蓋其意思落落然在寵辱
之外其天趣自然溢出不然彼竹葉戶中豈
乏才色要其意思索然自難以羈雄主耳士

之遇於世者又豈皆軟媚無骨之人也
唐太宗言我見魏徵便覺斌媚卽此意

諸葛夫人

蔣云楊后惡懷
亦皆爲人而于
此獨改其稱者
持以著賈氏之
惡其義竊附于
春秋耳

惠賈庶人諱南風平陽人也小名時父充別
有傳初武帝欲爲太子娶衛瓘女元后納賈
郭親黨之說欲婚賈氏帝曰衛公女有五可
賈公女有五不可衛家種賢而多子美而長
白賈家種妒而少子醜而短黑元后固請荀
顛荀勗竝稱充女賢乃定婚始欲聘其妹午
午年十二小太子一歲短小未勝衣更娶南

蔣云擊之救獲
賈妃雖誤國甚

風時年十五、泰始八年二月辛卯、冊拜太子妃。帝常疑太子不慧、且朝臣多以為言、故欲試之、密封疑事、使太子決。妃倩給使張泓代對、帝省之甚悅、以示少傅衛瓘。瓘大踧踏、眾乃知瓘先有毀言、充密遣語妃云、衛瓘老奴、幾破汝家。妃性妒虐、多權詐、太子畏而惑之。嬪御罕有進幸者、嘗手殺數人、或以戟擲孕妾、子隨刃墮地、帝聞之大怒、已修金墉城、將廢之、充華趙粲從容言曰、賈妃年少、妒是婦

大然非深于情者不能出此言
高啓詩如極是情深却本此

人○之○情○耳○長自當差、其後楊珧荀勗亦共營救之、故得不廢。惠帝即位、立為皇后、生河東臨海始平公主、哀獻皇女、后暴疾日甚、后族兄侍中賈模、從舅右衛將軍郭彰、后母廣城君養孫賈謐、與楚王瑋、東安公繇、竝干預國事。繇密欲廢后、賈氏憚之、及太宰亮衛瓘等表繇、徙帶方。建安中以南荒地置帶方郡奪楚王中候、后知瑋怨之、乃使帝作密詔、令瑋誅瓘亮、以報宿憾。模知后凶暴、恐禍及已、乃與裴頌王衍

晉書 卷三十一 傳

事詳

蔣云原史載少年入宮事筆力太弱似晚唐人小說故畧之

謀廢之、衍悔而謀寢、后遂荒淫放恣、與太醫令程據等亂彰內外、又令老嫗以簾箱載道上、少年入宮、復恐其漏泄、往往殺之、初、后詐有身、內橐物為產具、遂取妹夫韓壽子慰祖養之、託諒闇所生、故弗顯、遂謀廢太子、以所養代立、時洛中謠曰、南風烈烈吹黃沙、遙望魯國鬱嗟峨、前至三月滅汝家、時廣城君以后無子、甚敬重愍懷、每勸后使加慈愛、賈謐驕縱於太子、數無禮、則廣城君恒切責之、及

蔣云郭槐狠妒曾趣殺充子與乳母及死而告戒其女若此何老少不同性也豈老物多智亦慮後患乎

廣城君病、臨終執后手、令盡意於太子、言甚切、至、又曰、趙粲及午、必亂汝事、我死後勿復聽入、深憶吾言、后不從、更與粲午、專為姦謀、誣害太子、事在愍懷傳、初、后誅楊駿、及汝南王亮、太保衛瓘、楚王瑋等、皆臨機專斷、宦人董猛、參預其事、得親信、封武安侯、猛三兄皆為亭侯、天下怨之、及太子廢黜、趙王倫、孫秀等、因眾怨、謀欲廢后、后數遣宮婢、微服於民間、視聽其謀、頗泄、后甚懼、遂害太子、以絕眾

望趙王倫乃率兵陳道南使齊王冏入殿廢后爲庶人后與冏母有隙故倫使之后驚曰卿何爲來冏曰有詔收后后曰詔當從我出何詔也至上閣遙呼帝曰陛下有婦使人廢之亦行自廢又問冏曰起事者誰冏曰梁趙后曰繫狗當繫頸今反繫其尾何得不然此言恨不先誅梁趙也至宮西見謚尸再舉聲而哭遽止倫乃矯詔遣尚書劉弘等持節齎金屑酒賜后死趙粲賈午韓壽董猛等皆伏誅臨海公

主先封清河洛陽之亂爲人所畧傳賣吳興

錢溫溫以送女女遇主甚酷元帝鎮建鄴主

詣縣自言元帝誅溫及女改封臨海宗正曹

統尚之孫云賈氏以婦弑姑惠帝置若罔聞亦喪心極矣於此時有唱義者起廢

帝殺后謀於衆而置君焉此字內一大快也

乃無一人及此竟使如許罪人不一弑逆誅

而於黨逆后謀殺太子之趙王倫使人不能

羊氏諱獻容泰山南城人祖瑾父玄之竝見

外戚傳賈后既廢孫秀議立后羊外祖孫族

蔣云惠羊皇后而但改稱羊氏何以明羊氏失身胡劉不特不

足為后併此身
不得為惠帝有
也

與秀合族、又諸子自結於秀、故以永康元年
永康原史作立為皇后、將入宮、衣中有火、成
太安非是都王穎伐長沙王乂、以討玄之為名、又敗穎
奏廢后為庶人、處金墉城、陳眘等唱伐成都
王大赦、復后位、張方入洛、又廢后、方逼遷大
駕幸長安、留臺、復后位、永興初、張方又廢后
河間王顥矯詔以后屢為姦人所立、遣尚書
田淑、敕留臺、賜后死、詔累至、司隸校尉劉歊
與尚書僕射荀藩等馳上奏曰、羊庶人門戶

殘破、廢放空宮、門禁峻密、若絕天地、無緣得
與姦人構亂、眾無智愚、皆謂不然、刑書猥至、
罪不值辜、人心一憤、易致興動、夫殺一人而
天下喜悅者、宗廟社稷之福也、今殺一枯窮
之人、而令天下傷憐、臣懼凶豎乘間、妄生變
故、臣忝司京輦、觀察眾心、實以深憂、謹密啓
聞、願陛下更深與太宰參詳、勿令遠近疑惑、
取謗天下、顥見表大怒、欲收噉、噉奔青州、后
遂得免、帝還洛、迎后復位、後洛陽令何喬又

廢后及張方首至其日復后位帝崩懷帝立
尊后為惠帝皇后居弘訓宮洛陽之敗没于
劉曜曜僭位以為皇后因問曰吾何如司馬
家兒后曰胡可竝言陛下開基之聖主彼亡
國之暗夫有一婦一子及身三耳不能庇之
貴為帝王而妻子辱於凡庶之手遣妾爾時
實不思生何圖復有今日妾生於高門常謂
世間男子皆然自奉巾櫛以來始知天下有
丈夫耳曜甚寵愛之生曜二子而死偽謚獻

蔣云言及此廉恥盡矣足彰司馬氏之醜

文皇后蔣云惠帝以永康元年立羊氏為后
永嘉五年為劉曜所納至大興二年
曜立為后距為惠后時凡二十年以十五歲
計之此亦年三十有五矣一衰顏失節之婦
不知曜何以甚寵愛之
謝夫人名玖家本貧賤父以屠羊為業玖清
惠貞正而有淑姿選入後庭為才人惠帝在
東宮將納妃武帝慮太子尚幼未知帷房之
事乃遣往東宮侍寢由是得幸有身賈后妒
忌之玖求還西宮遂生愍懷太子年三四歲
惠帝不知也入朝見愍懷與諸皇子共戲執

蔣云論者皆謂
武惠聚塵是殆
不然謝玖于武
帝初必未承寵
者故以太子未
知帷房事遣往
侍寢耳

其手武帝曰是汝兒也及立爲太子拜玖爲
淑媛賈后不聽太子與玖相見處之一室及
愍懷被廢玖尋遇害焉永康初詔改葬太子
因贈玖夫人印綬葬顯平陵

懷王皇太后 刪

元夏侯太妃 刪

列傳第一 晉書三十一 終

列傳第二 晉書三十二 三徑藏書

竟陵鍾惺原評

檇李蔣之翹刪定
同郡陸上瀾參校

后妃傳下

元敬虞皇后 以下三后俱刪

豫章君荀氏

明穆庾皇后

成恭杜皇后諱陵陽京兆人預曾孫也父义
見外戚傳成帝以后奕世名德咸康二年備

晉書 卷三十二 傳

蔣云此敘杜后入宮處雅麗已似詩句而碩人詩大夫速退無使君勞亦復似史可知詩與史固自兼也

鍾云紀事冷而艷

禮拜為皇后即日入宮帝御太極前殿羣臣畢賀晝漏盡懸籥百官乃罷后少有姿色然長猶無齒有欲婚者聞之輒止及帝納采之日一夜齒盡生改宣城陵陽縣為廣陽縣七年三月后崩外官五日一臨內官旦一入葬訖止后在位六年無子先是三吳女子相與簪白花望之如素柰傳言天公織女死為之著服至是而后崩后母裴氏名穆嘗立第南掖門外世所謂杜姥宅云

章太妃周氏

刪

錢稱拙云惟男子實多老孤若是豈得概答女

康獻褚皇后諱蒜子河南陽翟人也父裒見外戚傳后聰明有器識少以名家入為琅邪王妃及康帝即位立為皇后封母謝氏為尋陽鄉君及穆帝即位尊后曰皇太后時帝幼冲未親國政領司徒蔡謨等上奏曰嗣皇誕哲岐嶷繼承天統率土宅心兆庶蒙賴陛下體茲坤道訓隆文母昔塗山光夏簡狄熙殷寔由宣哲以隆休祚伏惟陛下德侔二媽淑

蔣云兩晉妃后
之聖善者惟康
褚一人而已故
其詞令雍肅殊
是有體

美關雎臨朝攝政以寧天下今社稷危急兆
庶懸命臣等章惶一日萬機事運之期天祿
所鍾非復冲虛高讓之日漢和熹順烈竝亦
臨朝近明穆故事以為先制臣等不勝悲怖
謹伏地上請乞陛下上順祖宗下念臣吏推
公弘道以協天人則萬邦承慶羣黎更生太
后詔曰帝幼冲當賴羣公卿士將順匡救以
酬先帝禮賢之意且是舊德世濟之美則莫
重之命不墜祖宗之基有奉是其所以欲正

位于内而已所奏懇到形于翰墨執省未究
以悲以懼先后允恭謙抑思順坤道所以不
距羣情固為國計豈敢執守冲闇以違先旨
輒敬從所奏於是臨朝稱制帝既冠太后詔
曰昔遭不造帝在幼冲皇緒之微眇若贅旒
百辟卿士率遵前朝勸諭攝政以社稷之重
先代成義僊俛敬從弗違固守仰憑七廟之
靈俯仗羣后之力帝加元服禮成德備當陽
親覽臨御萬國今歸事反政一依舊典於是

陸云著語婉痛
渡江臣主俱無
此懷

居崇德宮手詔羣公曰昔以皇帝幼冲從羣
后之議既以闇弱又頻下極艱銜恤歷祀沉
憂在疚司徒親尊德重訓救其弊王坐之不
壞實公是憑帝既備茲冠禮而四海未一五
胡叛逆豺狼當路費役日興百姓困苦願諸
君子思量遠筭戮力一心輔翼幼主匡救不
逮未亡人永歸別宮以終餘齒仰惟家國故
自穆然一言託懷及哀帝海西公之世太后復臨
朝稱制桓溫之廢海西公也太后方在佛屋

蔣云銷魂處正
不在多

內臣啓云外有急奏太后出尚倚戶前視奏
數行乃曰我本自疑此至半便索筆答奏云
未亡人懼此百憂感念存沒心焉如割溫始
呈詔草慮太后意異悚動流汗見於顏色及
詔出溫大喜簡文帝卽位尊后爲崇德太后
及帝崩孝武帝幼冲桓溫薨羣臣復啓太后
臨朝太后詔曰王室不幸仍有艱屯覽省啓
事感增悲歎內外諸君竝以主上春秋冲富
加蒸蒸之慕未能親覽號令宜有所由苟可

蔣云吾郡海鹽縣有何后宅輿地志云晉何準嘗寓居于此一夕群鳥啼乃生女後選入宮他

日復啼推之乃穆帝立后日也遂名其地為鳥夜村其事亦異乃傳所不及者

安社稷利天下亦豈有所執輒敬從所啓但闇昧之闕望盡弼諧之道於是太后復臨朝帝既冠乃詔曰皇帝婚冠禮備遐邇宅心宜當陽親覽緝熙惟殆今歸政事率由舊典於是復稱崇德太后太元九年崩在位凡四十年

穆章何皇后諱法倪廬江灑人也父準見外戚傳以名家膺選升平元年冊立為皇后后無子哀帝即位稱穆皇后居永安宮桓玄篡

位移后入司徒府路經太廟后停輿慟哭哀感路人玄聞而怒曰天下禪代常理何預何氏女子事邪乃降后為零陵縣君與安帝俱西至巴陵及劉裕建義殷仲文奉后還京都下令曰戎車屢警黎元阻飢而饕御豐靡豈與百姓同其儉約減損供給勿令有過后時以遠還欲奉拜陵廟有司以寇難未平奏停永興三年崩哀靖王皇后以下二后刪

廢帝孝庾皇后

簡文宣鄭太后諱阿春河南滎陽人也世爲
寇族祖合臨濟令父愷字祖元安豐太守后
少孤無兄弟唯姊妹四人后最長先適渤海
田氏生一男而寡依于舅濮陽吳氏元帝爲
丞相敬后先崩將納吳氏女爲夫人后及吳
氏女竝游後園或見之言於帝曰鄭氏女雖
發賢於吳氏遠矣建武元年納爲琅邪王夫
人甚有寵生琅邪悼王簡文帝尋陽公主帝

蔣云纏綿懇惻
意致俱絕固是
善談者

稱尊號后雖爲夫人詔太子及東海武陵王
皆母事之帝崩后稱建平國夫人咸和元年
薨簡文帝時爲琅邪王制服重有司以王出
繼宜降所生國臣不能匡正奏免國相諸葛
願王上疏曰亡母生臨臣國沒留國第臣雖
出後亦無所厭則私情得敘昔敬后崩孝王
已出繼亦還復重此則明比臣所憲章也明
穆皇后不奪其志乃徙琅邪王爲會稽王追
號后曰會稽太妃及簡文帝卽位未及追尊

臨崩封皇子道子爲琅邪王、領會稽國、奉太妃祀、太元十九年、孝武帝下詔曰、會稽太妃、文母之德、徽音有融、誕載聖明、光延于晉、先帝追尊聖善、朝議不一、道以疑屈、朕述遵先志、常惕于心、今仰奉遺旨、依陽秋二漢孝懷皇帝故事、上太妃尊號曰簡文太后、於是立廟於太廟路西、陵曰嘉平、

簡文順王皇后 刪

孝武文李太后諱陵容、本出微賤、始簡文帝

爲會稽王、有三子俱夭、自道生廢黜、獻王早世、其後諸姬絕孕、將十年、帝令卜者扈謙筮之、曰、後房有女、當育二男、其一終盛晉室、時徐貴人、生新安公主、以德美見寵、帝常冀之、有娠、而彌年無子、更加採納、又數年無子、乃令善相者、召諸愛妾問之、皆云、非其人、又悉以諸婢媵示焉、時后爲宮人、在織坊中、形長而色黑、宮人皆謂之崑崙、既至、相者驚云、此其人也、帝以大計、召之侍寢、后數夢兩龍枕



膝。日。月。入。懷。意。以。爲。吉。祥。向。儕。類。說。之。帝。聞。而。異。焉。遂。生。孝。武。帝。及。會。稽。文。孝。王。鄱。陽。長。公。主。及。孝。武。帝。初。卽。位。尊。爲。淑。妃。太。元。十二。年。加。爲。皇。太。妃。儀。服。一。同。太。后。十九。年。八。月。辛。巳。帝。臨。軒。遣。兼。太。保。劉。耽。尊。爲。皇。太。后。稱。崇。訓。宮。安。帝。卽。位。尊。爲。太。皇。太。后。隆。安。四年。崩。葬。脩。平。陵。神。主。祔。于。宣。太。后。廟。

孝武定王皇后

以下四后俱刪

安德陳太后

安僖王皇后

恭思褚皇后

史臣曰。方祗體安。儷乾儀而合德。圓舒循晷。配羲曜以齊明。故知陽爍陰凝。萬物假其陶鑄。火炎水潤。六氣由其調理。取譬賢淑。作伉文思。靈根式固。寔資於此。宣穆閱禮。偶得潛鱗。翊天造之艱虞。嗣塗山之逸響。蓋有母儀之助焉。武元楊氏。預聞朝政。明不逮遠。愛溺私情。深杜衛瓘之言。莫辨張泓之詐。運其陰

晉書
診。韜映乾明。晉道中微。基於是矣。惠皇稟質。天縱其器。識暗鳴蛙。智昏文蛤。南風肆狡。扇禍稽天。初踐椒宮。逞梟心於長樂。方觀梓樹。頒鳩羽於離明。褒后滅周。方之蓋小。妹妃傾夏。曾何足喻。況昔高宗。諒闇總百官于元老。成王冲眇。託萬機於上公。太后御宸。諒之非古。而明穆康獻。仍世臨朝。時屬委裘。躬行負宸。各免華陽之釁。竟躡和熹之蹤。保陵遲以克終。所幸實爲多矣。

贊曰。二妃光舜。三母翼周。妹升夷癸。褒進亡幽。家邦興滅。職此之由。穆后沉斷。忘情執爨。故劔辭恩。池蒲起嘆。崇化繁祉。肇基商亂。二楊繼寵。福極灾生。南風熾虐。國喪身傾。獻容幸亂。居辱疑榮。援筆廢主。持尺威帝。契濶終懼。殷憂以斃。芬實窈窕。芳菲婉孌。呂妾變羸。黃姬化芊。彌爾反。事見史記。春申君傳。又音米。石文遠著。金行潛徙。婦德傾城。迷朱奪紫。

列傳第二

晉書三十二

終

[Faded text in columns, likely bleed-through from the reverse side of the page]

列傳第三

晉書三十三

三徑藏書

竟陵鍾

惺原評

檇李蔣之翹刪定
同里高昌苓叅校

王祥

第覽

蔣云王覽人品實高於祥然祥所稱
於晉者以其不拜司馬昭耳其不拜
處正是奸處此與馮道儼然受郭威
之拜所謂異世而同心也迨臨卒遺
訓子孫但言信德高悌讓為立身本
而絕口不及一忠字者豈其存心固
如此而或自諱其所闕歟

王祥字休徵琅邪臨沂人也祖仁青州刺史

琅邪派

晉書卷三十三 傳

鍾云歌詞勁淨
有質氣極簡盡
不待多贊

父融公府辟不就祥早喪母後母朱氏不慈
祥事之謹以孝聞漢末遭亂扶母攜弟覽避
地廬江隱居有年不應州郡之命母終徐州
刺史呂虔檄為別駕祥乃應召虔委以州事
事至晉太始五年薨年當一百二十歲矣然
祥年止八十有五上下計之則應
召之年止可二十五六辨詳史通于時寇盜
充斥祥率士頻討破之時人歌之曰海沂之
康實賴王祥邦國不空別駕之功舉秀才除
溫令累遷大司農高貴鄉公即位與定策功

蔣云祥哭不足
多太傅乎亦枕
帝股而哭矣兩
人心術品行畧
同

封關內侯拜光祿勳轉司隸校尉從討毋丘
儉增邑四百戶遷太常封萬歲亭侯天子幸
太學命祥為三老祥南面几杖以師道自居
天子北面乞言祥陳明王聖帝君臣政化之
說出妙
夏及高貴鄉公之弒也朝臣舉哀祥號哭曰
老臣無狀涕淚交流衆有愧色頃之拜司空
轉太尉加侍中五等建封睢陵侯邑一千六
百戶及文帝為晉王原作武帝祥與荀顗往
謁顗謂祥曰相王尊重何侯既已盡敬今便

晉書
當拜也。祥曰：相王魏之宰相，吾等魏之三公，公與王相去一階而已。班列大同，安有天子三司而輒拜人者？損魏朝之望，虧晉王之德。君子愛人以禮，吾不爲也。及入，顛遂拜而祥獨長揖。帝曰：今日方知君見顧之重矣。武帝踐阼，拜太保，進爵爲公，加置七官之職。帝新受命，虛已以求讜言，祥與何曾、鄭冲等耆艾篤老，希復朝見。帝遣侍中任愷諮問得失，及政化所先。祥以年耄累遜位，帝不許。御史中

丞侯史光以祥久疾闕朝會禮，請免官。詔曰：太保元老高行，朕所毗倚以隆政道者也。前後遜讓，不從所執，此非有司所得議也。遂寢。光奏：祥固乞骸骨，詔聽以睢陵公就第。賜几杖，不朝大事皆諮訪之。及疾篤，著遺令訓子孫曰：夫言行可覆，信之至也。推美引過，德之至也。揚名顯親，孝之至也。兄弟怡怡，宗族欣欣，悌之至也。臨財莫過乎讓，此五者立身之本。顏子所以爲命，未之思也。夫何遠之有，其

子皆奉行之。泰始四年薨，時文明皇太后崩，始踰月，其後詔曰：爲睢陵公發哀事，乃至。今雖每爲之感傷，要未得特敘哀情。今便哭之。明年策謚曰元祥之薨，奔赴者非朝廷之賢，則親親故吏而已。門無雜弔之賓，族孫戎歎曰：太保可謂清達矣。又稱祥在正始，不在能言之流，及與之言，理致清達，將非以德掩其言乎？祥有五子：肇、夏、馥、烈、芬。竝幼知名，爲祥所愛。二子亦同時而亡，將死，烈欲還葬。

舊土，芬欲留葬京邑。祥流涕曰：不忘故鄉，仁也。不戀本土，達也。惟仁與達，吾二子有焉。覽字玄通，年數歲，見母朱，遇祥無道，祥被楚撻，輒持泣諫其母。母屢以非理使祥，覽輒與祥俱。及長，娶妻，母又虐使祥妻，覽妻亦趨而共之。祥後漸有譽，母深疾之，密使酖祥，覽知之，徑起取酒，祥亦疑其毒，爭不與。母遽奪反之。自後母賜祥饌，覽輒先嘗。母懼覽致斃，遂止。覽孝友恭恪，名亞於祥。咸寧初，爲宗正卿。

鍾云玄通篤學
品實在太保上
故為琅邪肇基
之主區區佩刀
是直為公輔侈
爾何足信

蔣云敘次簡率
中載兩致仕詔

以太中大夫歸老後轉光祿大夫卒謚曰貞
有六子裁基會正彥琛初呂虔有佩刀工相
之以為必登三公可服虔謂祥曰苟非其人
刀或為害卿有公輔之量故以相與祥固辭
強之乃受祥臨薨以刀授覽曰汝後必興足
稱此刀覽後奕世多賢才與於江左裁子導
別有傳

鄭冲

鄭冲字文和滎陽開封人也起自寒微有操

亦平不爾故不
錄

行清恬寡欲博究儒術任真自守不要曲譽
由是州郡久不加禮及魏文帝為太子搜揚
側陋命冲為文學累遷尚書郎出補陳留太
守冲以儒雅為德莅職無幹局之稱簞食緼
袍不營資產世以此重之嘉平三年拜司空
及高貴鄉公講尚書冲執經親授與侍中鄭
小同俱被賞賜俄轉司徒常道鄉公即位拜
太保位在三司之上封壽光侯冲雖位階台
輔而不預世事時文帝輔政平蜀之後命賈

蔣云居然儒雅

充羊祜等分定禮儀律令皆先諮於冲然後
施行及魏帝告禪使冲奉策武帝踐阼拜太
傅進爵為公泰始九年抗表致仕詔以壽光
公就第明年薨謚成初冲與孫邕曹羲荀顗
何晏共集論語諸家訓註之善者記其姓名
因從其義有不安者輒改易之名曰論語集
解冲無子以從子徽嗣

何會

子劭

何會字穎考陳國陽夏人也父夔魏太僕陽

武亭侯會少襲爵好學博聞與同郡袁侃齊
名魏明帝初為平原侯會為文學及卽位累
遷散騎侍郎汲郡典農中郎將給事黃門侍
郎頃之遷散騎常侍及宣帝將伐遼東會上
疏魏帝曰臣聞先王制法必全於慎故建官
授任則置副佐陳師命將則立監貳宣命遣
使則設介副臨敵交刃又參御右蓋以盡思
謀之功防安危之變也是以在險當難則權
足相濟隕缺不豫則才足相代其為國防至

孫云立論正切
想此時尚未有
黨司馬心故言
能爾爾

深主遠及至漢氏亦循舊章韓信伐趙張耳
爲貳馬援討越劉隆副軍前世之迹著在篇
志今太尉奉辭誅罪精甲銳鋒步騎數萬道
路迥阻且四千里雖假天威有征無戰寇或
潛遁消引日月命無常期人非金石遠慮詳
備誠宜有副今北軍諸將及太尉所督皆爲
僚屬名位不殊素無定分統御之尊卒有變
急不相鎮攝存不忘亡聖達所裁臣愚以爲
宜選大臣名將威重宿著者成其禮秩遣詣

北軍進同謀畧退爲副佐雖有萬一不虞之
變軍主有儲則無患矣帝不從出補河內太
守在任有威嚴之稱徵拜侍中以母憂去官
嘉平中爲司隸校尉撫軍校事尹模憑寵作
威姦利盈積朝野畏憚莫敢言者曾劾奏之
朝廷稱焉時曹爽專權宣帝稱疾曾亦謝病
爽誅乃起視事蔣云詞若以叛主爲榮者故魏帝之廢也曾實預其謀
焉曾在司隸積年遷尚書正元中爲鎮北將
軍都督河北諸軍事假節將之鎮文帝使武

帝齊王攸辭送數十里曾盛為賓主備太牢之饌侍從吏騶莫不醉飽帝既出又過其子劭曾先勅劭曰客必過汝汝當豫嚴劭不冠帶停帝良久曾深以譴劭時步兵校尉阮籍負才放誕居喪無禮曾面質籍於文帝座曰卿縱情背禮敗俗之人今忠賢執政綜核名實若卿之曹不可長也因言於帝曰公方以孝治天下而聽阮籍以重哀飲酒食肉於公座蔣云詞色俱峻宜擯四裔無令汙染華夏帝曰此子羸病

若此君不能為吾忍邪曾重引據辭理甚切

時人敬憚之蔣云時步兵一段舊在預其謀焉之下按廢帝乃景王事質阮

在文帝時上下恐不相蒙故置於此後遷征北將軍進封潁昌

鄉侯咸熙初拜司徒改封朗陵侯文帝為晉

王曾與高柔鄭冲俱為三公將入見曾獨致

拜盡敬二人猶揖而已武帝襲王位以曾為

晉丞相加侍中與裴秀王沉等勸進踐阼拜

太尉進爵為公食邑千八百戶泰始初詔進

太宰侍中如故咸寧四年薨將葬禮官議謚

蔣云貴阮侃侃
可為守禮士矣

博士秦秀謚為繆醜帝不從策謚曰孝太康
末子劭自表改謚為元曾性至孝閨門整肅
自少及長無聲樂嬖幸之好蔣云此稱曾無
嬖幸之好而云
遵為劭庶兄何也此等入一味年老之後與
虛假故嗣宗視為禪中鍾風云耳景事如在目前請
妻相見皆正衣冠相待如賓已南向妻北面
再拜上酒酬酢既畢便出一歲如此者不過
再三焉然性奢豪務在華侈帷帳車服窮極
綺麗廚膳滋味過於王者每燕見不食太官
所設帝輒命取其食蒸餅上不拆作十字不

然日食萬錢猶
曰無下箸處是
何禮法也

食食日萬錢猶曰無下箸處人以小紙為書
者勅記室勿報劉毅等數劾奏曾侈恣無度
帝以其重臣一無所問都官從事劉享嘗奏
曾華侈以銅鈎蔽紉車敲方物反
紉直引反瑩牛蹄角
後曾辟享為掾或勸勿應享謂至公之體不
以私憾遂應辟曾常因小事杖享其外寬內
忌如此時司空賈充擅政曾心卑充而附之
及充與庾純因酒相競曾議黨充而抑純以
此為正直所非二子遵劭劭嗣

劭字敬祖與武帝有總角之好帝爲王太子以劭爲中庶子及卽位轉散騎常侍甚見親待劭雅有姿望遠客朝見必以劭侍直遷侍中尚書惠帝卽位初建東宮太子年幼欲令親萬機故盛選六傅以劭爲太子太師累遷尚書左僕射永康初遷司徒趙王倫篡位以劭爲太宰及三王交爭劭以軒冕游其間無怨之者而驕奢簡貴亦有父風一日之供以蔣云、傳、於、父、矣錢二萬爲限時論以爲太官御膳無以加之

鍾云按曾始末一鄉原老奸耳然看晉之前後甚明往往於不經意處得之則其胸中原非憤

然優游自足不貪權勢嘗語鄉人王詮曰僕雖名位過幸少無可書之事惟與夏侯長容諫授博士可傳史冊耳永寧元年薨贈司徒謚曰康子岐嗣劭庶兄遵起家散騎黃門郎累轉大鴻臚性亦奢怵役使御府工匠作禁物又鬻行噐爲司隸劉毅所奏免官四子嵩綏機羨綏爲東海王越所誅初曾侍武帝宴退而告遵等曰國家應天受禪創業垂統吾每宴見未嘗聞經國遠圖惟說平生常事非

憤者非憤憤而始末如此所以為鄉原為老奸也

晉書

貽厥孫謀之兆也。及身而已。後嗣其殆乎。指諸孫曰。此等必遇亂亡。及綏死。嵩哭之曰。我祖其大聖乎。兄弟皆矜傲。好陵駕人物。鄉閭疾之如讎。永嘉末。何氏遂滅。亡無遺焉。蔣云三國何夔甚履正而史稱其於節儉之世最為豪怵其子若孫尤甚蓋驕奢相因而必至之禍有不待數世而見者貽厥孫謀人可不深長思哉

石苞

子崇

石苞字仲容渤海南皮人也雅曠有智局容儀偉麗不修小節故時人為之語曰石仲容

蔣云叠敘苞傲時事條理井井猶有遷固之遺

姣無雙縣召為吏給農司馬會謁者陽翟郭玄信奉使求人為御司馬以苞及鄧艾給之行十餘里玄信謂二人曰子後竝當至卿相苞曰御隸也何卿相乎句○法○妙○既而又被使到鄴事

久不決乃販鐵於鄴市市長沛國趙元儒名知人見苞異之因與結交歎苞遠量當至公輔由是知名見吏部郎許允求為小縣允謂苞曰卿是我輩人當相引在朝廷何欲小縣乎苞還歎息不意允之知己乃如此也。蔣云得知

晉書

卷三十三

傳

二

已反為歎息便是無限感物稍遷景帝中護軍

司馬宣帝聞苞好色薄行以讓景帝帝荅曰

苞雖孫○云○具○眼○別○在○北○壯○駟○黃○之○外細行不足而有經國才畧夫貞廉之士

未必能經濟世務是以齊桓忘管仲之奢僭

而錄其匡合之大謀漢高捨陳平之汙行而

取其六奇之妙筭苞雖未可以上儔二子亦

今日之選也意乃釋徙鄴典農中郎將時魏

世王侯多居鄴下尚書丁謚貴傾一時竝較

時利苞奏列其事由是益見稱歷東萊琅邪

太守所在皆有威惠遷徐州刺史文帝之敗

於東關也苞獨全軍而退帝指所持節謂苞

曰恨不以此授卿以究大事乃遷苞為奮武

將軍假節監青州諸軍事及諸葛誕舉兵淮

南苞統青州諸軍督兗州刺史周泰徐州刺

史胡質簡銳卒為游軍以備外寇吳遣大將

朱異丁奉等來迎誕等留輜重於都陸輕兵

渡黎水苞等迎擊大破之泰山太守胡烈以

奇兵詭道襲都陸盡焚其委輸異等收餘眾

而退壽春平拜苞鎮東將軍封東光侯假節
頃之代王基都督揚州諸軍事苞因入朝當
還辭高貴鄉公留語盡日既出白文帝曰非
常主也數日而有成濟之事後進位征東大
將軍俄遷驃騎將軍文帝崩賈充荀勗議葬
禮未定苞時奔喪慟哭曰基業如此而以人
臣終乎葬禮乃定後每與陳騫諷魏帝禪位
武帝踐阼遷大司馬進封樂陵郡公加侍中
自諸葛誕破滅苞遂鎮淮南士馬強盛邊境

多務苞既勤庶事又以威畏服物淮北監軍
王琛惡之密表苞與吳人交通先時望氣者
云東南有大兵起及琛表至武帝甚疑之會
荊州刺史胡烈表吳人欲大出為寇苞亦聞
吳師將入乃築壘遏水以自固帝聞之謂羊
祜曰吳人每來常東西相應無緣偏爾豈石
苞果不順乎祜深明之而帝猶疑焉會苞子
喬為尚書郎上召之經日不至帝謂為必叛
欲討苞而隱其事遂下詔以苞不料賊勢築

蔣云帝有識故不為輕舉妄動如此

蔣云只如此已
盡孫鑠不必別
傳

劉云自恥得妙
正是作用處

壘遏水勞擾百姓策免其官遣太尉義陽王
望率大軍徵之時苞辟河內孫鑠為掾鑠先
與汝陰王駿善會駿鎮許昌鑠過見之駿知
臺已遣軍襲苞私告之曰無與於禍鑠既出
馳詣壽春為苞畫計苞從之乃放兵步出佳
都亭待罪帝聞之意解及苞詣闕帝謂之曰
卿子幾破卿門遂廢喬詔苞以公還策苞自
恥受任無效而無怨色時鄴奚官督郭廩上
書理苞帝以苞為司徒有司奏不可詔曰吳

人輕脆終無能為故疆場之事但欲完固守
備使不得越逸而已以苞計畫不同慮敵過
甚故徵還更授昔鄧禹撓於關中而終輔漢
室豈以一肯而掩大德哉於是就位苞奏州
郡農桑未有賞罰之制宜遣掾屬循行皆當
均其土宜舉其殿最然後黜陟焉詔曰農殖
者為政之本有國之大務也雖欲安時興化
不先富而教之其道無由而至今四海多事
軍國用廣加承征伐之後屢有水旱之事倉

庫不充、百姓無積。古者稼穡樹藝，司徒掌之。今雖登論道，然經國立政，惟時所急，故陶唐之世，稷官爲重。今司徒位當其任，乃心王事，有毀家紓國、乾乾匪躬之志。其使司徒督察州郡播殖，將委事任成，垂拱仰辦，若宜有所循行者，其增置掾屬十人，聽取王官更練事業者。苞在位，稱爲忠勤，帝每委任焉。泰始八年薨，及葬，車駕臨送於東掖門外，策謚曰武威。寧初，詔苞等竝爲王功，列於銘饗。有六子。

越喬統浚儁崇

崇字季倫，生於青州，故小名齊奴。少敏慧，勇而有謀。苞臨終，分財物與諸子，獨不及崇。其母以爲言，苞曰：「此兒雖小，後自能得。」年二十餘，爲修武令，有能名。入爲散騎郎，遷城陽太守。伐吳有功，封安陽鄉侯。在郡雖有職務，好學不倦。以疾自解。頃之，拜黃門郎。兄統忤扶風王駿，有司承旨，奏統將加重罰。旣而見原，以崇不詣闕陳謝，有司欲復加統罪。崇自表

曰臣兄統以先父之恩早被優遇出入清顯歷位盡勤伏度聖心有以垂察近爲扶風王駿橫所誣謗司隸中丞等飛筆重奏劾案深文累塵天聽臣兄弟跼躅憂心如悸駿戚屬尊重權要赫奕內外有司望風承旨苟有所惡易於投卵自統枉劾以來臣兄弟不敢一言稍自申理戢舌鉗口惟須刑書古人稱榮華於順旨枯槁於逆違誠哉斯言於今信矣是以雖董司直繩不能不深其文抱枉含謗

不得不輸其理幸賴陛下天聽四達靈鑒昭遠存先父勲德之重察臣等勉勵之志中詔申料罪譴澄雪臣等刻肌碎首未足上報臣卽以今月十四日與兄統浚等詣公車門拜表謝恩伏度奏御之日蹙經天聽此月二十日忽被蘭臺禁止符以統蒙宥恩出非常臣宴然私門曾不陳謝復見彈奏訕辱理盡臣始聞此惶懼狼狽靜而思之固無怪也苟尊勢所驅何所不至望奉法之直繩不可得也

蔣云語婉氣直
凡辨誣雪枉雖
對至尊一味遜
詞發付不得須
以氣勝之

鍾云此崇黨賈
謚拜廣城君之
漸也

臣以凡才累荷顯重不能負載析薪以荅萬
分一月之中奏劾頻加曲之與直非臣所計
所恨不能承奉戚屬自陷於此不媚於寵實
愧王孫隨巢子稱明君之德察情爲上察事
次之所懷具經聖聽伏待罪黜無所多言由
是事解累遷散騎常侍侍中武帝以崇功臣
子有幹局深器重之元康初楊駿輔政大開
封賞多樹黨援崇與散騎郎蜀郡何攀共立
議奏惠帝曰陛下正位東宮二十餘年今承

蔣云崇之致富
以此則苞所謂
能自得者是乎
嘻

洪基而班賞行爵優於泰始革命之初恩澤
之封優於滅吳之功輕重不稱且大晉卜世
之數未知其紀今之開制當垂于後若尊卑
無差有爵必進數世之後莫非公侯矣奏弗
納出爲南中郎將荊州刺史領南蠻校尉崇
性任俠無行檢在南中得鳩鳥雛以與後軍
將軍王愷時制鳩鳥不得過江乃爲司隸傅
祗所糾詔燒鳩於都街在荊州嘗劫遠使商
客致富不貲徵爲大司農以徵書未至擅去

鍾云以爭酒免
官事亦韻亦值
得

官免頃拜太僕出為征虜將軍假節監徐州
諸軍事鎮下邳崇有別館在河陽之金谷一
名梓澤送者傾都帳飲於此焉至鎮與徐州
刺史高誕爭酒相侮為軍司所奏免官復拜
衛尉與潘岳諂事賈謐謐與之親善號曰二
十四友廣城君每出崇降車路左望塵而拜
其卑佞如此先崇與貴戚王愷羊琇之徒以
奢靡相尚愷以糴澳釜崇以蠟代薪愷作紫
絲布步障四十里崇作錦步障五十里以敵

之崇塗屋以椒愷用赤石脂崇愷爭豪武帝
每助愷嘗以珊瑚樹賜之高二尺許枝柯扶
疎世罕其比愷以示崇崇便以鐵如意擊之
應手而碎愷既惋惜又以為疾已之寶聲色
方厲崇曰不足多恨今還卿乃命左右悉取
珊瑚樹有高三四尺者六七株條幹絕俗光
彩耀日如愷比者甚眾愷怛然自失矣嘗與
王敦入太學見顏回原憲像顧而歎曰若與
之同升孔堂去人何必有間敦曰不知餘人

云何子貢去卿差近崇正色曰士當聲名俱泰何至夔爨哉其立意類此劉輿兄弟少時爲王愷所嫉愷召之宿因欲坑之崇素與輿等善聞變夜馳詣愷問二劉所在愷迫卒不得隱崇徑造於後齋索出同車而去語曰年少何以輕就人宿輿深德之及賈謚誅崇以黨與免官時趙王倫專權崇甥歐陽建與倫有隙崇有妓曰綠珠美而豔孫秀使人求之崇不許秀怒乃勸倫誅崇建崇建亦潛知其

姓梁氏

蔣云我今爲爾得罪一語此卽項羽虞兮歌也綠珠亦可爲不負季倫矣

計乃與黃門郎潘岳陰勸淮南王允齊王罔以圖倫秀秀覺之遂矯詔收崇及潘岳歐陽建等崇正宴於樓上介士到門崇謂綠珠曰我今爲爾得罪綠珠泣曰當效死於官前因自投于樓下而死崇曰吾不過流徙交廣耳及車載詣東市崇乃歎曰奴輩利吾家財收者荅曰知財致害何不早散之崇不能荅蔣云皆被害死者十五人有司簿閱崇水碓三十

收者亦達人其高懷卓識實出二十四友之上崇母兄妻子無少長


餘區、蒼頭八百餘人。他珍寶貨賄田宅稱是。及惠帝復降詔以卿禮葬之。封崇從孫演爲樂陵公。歐陽建字堅石，世爲冀之右族，雅有理思，才藻美贍。時人爲之語曰：渤海赫赫，歐陽堅石，爲馮翊太守，臨命作詩文甚哀楚，人莫不悼惜之。蔣云：崇傳疊疊多瑣事務爲曼治此作齊奴外傳則可耳故稍

孫鑠 刪

史臣曰：若夫經爲帝師，鄭冲於焉無愧，孝爲

孫云俊逸不減江鮑

德本，王祥所以當仁。何曾善其親，而及其親之黨者也。夏禹恭儉，殷因損益，牲牢服用，各有品章，諸侯不恒牛，命士不恒豕，禦而驕奢，其關乎治政，乘時立制，莫不由之。石崇學乃多聞，情乖寡悔，超四豪而取富，踰五侯而競爽。崇於冬日作非萍壘王愷恨爲不及春畦，霍靡列於凝沍之晨。錦障逶迤，亘以山川之外。撞鐘舞女，流宕忘歸，至於金谷含悲，吹樓將墜，所謂高蟬處乎輕陰，不知螿蟷襲其後也。



列傳第三

晉書三十三

李和亭

山崎山崎

山崎山崎

山崎山崎

山崎山崎

